

**NORMAS PARA A CELEBRACIÓN DO PLENARIO EXTRAORDINARIO
DA SECCIÓN SINDICAL DE CCOO EN BANCO SANTANDER DE GALICIA,
E ELECCIÓN DA DELEGACIÓN DO TERRITORIO QUE ASISTIRÁ AO PLENARIO ESTATAL
DE CCOO EN BANCO DE SANTANDER**

1. INTRODUCCIÓN

Estas normas réxense polo Regulamento Interno de Seccións Sindicais aprobado polo Comité Federal o 4 de outubro de 2017, e foron aprobadas pola Comisión Executiva da Federación de Servizos de Galicia o 6 de setembro de 2021.

O 12/8/2021, a Comisión Executiva Federal aprobou as normas do Plenario da Sección Sindical Estatal de CCOO de Banco de Santander. Pódese acceder a elas e aos documentos que se someten a debate nas asembleas e plenarios territoriais na seguinte ligazón da nosa web:

<https://www.ccoo-servicios.es/santander/html/52524.html>

O Plenario estatal celebrarase en Torremolinos (Málaga) os días 30 de novembro e 1 de decembro do 2021.

O Plenario autonómico celebrarase na **Coruña** o próximo día **16 de novembro de 2021**, seguindo o calendario establecido no punto 2 deste documento. Os obxectivos deste Plenario son:

- Potenciar a participación dos afiliados e afiliadas no proceso.
- Debate e votación das emendas presentadas e que obtivesen, polo menos, o 10 % de votos nas asembleas provinciais ao documento/relatorio do Plenario estatal.
- Elección dos órganos de goberno da Sección Sindical Territorial.
- Elección da delegación territorial ao Plenario estatal

2. CALENDARIO DO PROCESO

DATA	EVENTO
12/8/21	Aprobación pola CE da Federación de Servizos de CCOO da convocatoria de Plenario Estatal da Sección Sindical e das súas normas de funcionamento.
13/8/21	Inicio do proceso e data límite para a posta en coñecemento das normas do Plenario ao resto de ámbitos concernidos por el. Data límite para considerar o censo o 1/8/2021 como definitivo tomando como base a adscrición na UAR.
8/9/21	Data límite para a aprobación pola Comisión Delegada do documento que se somete a debate no proceso do Plenario.
13/9/21	Data límite para o envío e publicidade da convocatoria, normas do plenario e documentos de debate ao conxunto da afiliación de CCOO no Banco Santander.
14/9/21 ao 23/9/21	Posta a disposición polas federacións territoriais dos censos electorais para a revisión da inclusión individual pola afiliación e período de reclamacións a aqueles (4 + 4 días laborables).
28/9/21 ao 18(11/21	Prazo para a realización, se é o caso, das asembleas provinciais e dos plenarios de comunidade autónoma; renovación/constitución, se proceder, de seccións sindicais naquelas autonomías que acaden as 50 persoas afiliadas.
23/11/21	Data tope para a recepción de actas, as cales se enviarán á Secretaría de Organización da Federación de servizos de CCOO.
30/11 e 1/12 de 2021	Celebración do Plenario da Sección Sindical Estatal de CCOO de Banco Santander na localidade de Torremolinos (Málaga)

3. PLENARIO DE GALICIA

O número de persoas delegadas asistentes ao Plenario Extraordinario da Sección Sindical de CCOO de Banco de Santander de Galicia será de **13 persoas delegadas**, que se elixirán en cada provincia de xeito proporcional á afiliación certificada pola UAR no 1 de agosto de 2021. A asignación de delegacións por provincias xúntase como **anexo 1**.

4. ASEMBLEAS PROVINCIAIS PREVIAS

Celebraranse asembleas en todas as provincias de Galicia, que serán convocadas pola Federación de Servizos de CCOO de Galicia a través da súa Secretaría de Organización.

A Comisión Executiva da Federación de Servizos de Galicia convocará para as datas previstas nestas normas (**ver anexo 2**) a afiliación do seu ámbito, co fin de debater, presentar e votar as emendas que se estimen oportunas aos documentos do Plenario estatal e elixir a delegación asistente ao Plenario de Galicia.

a) Presentación de emendas e candidaturas

Tanto as emendas que se queiran realizar ao relatorio, como as candidaturas das delegacións provinciais para asistir ao Plenario territorial de Galicia deberán presentarse, **como data tope, o día 28 de setembro de 2021 ata as 12:00 horas**, ao correo electrónico: servicios.galicia@servicios.ccoo.es

As posibles emendas presentadas, xunto coa información sobre a/s candidatura/s presentada/s, remitiranse á afiliación, tras a súa proclamación definitiva, e procederase á súa publicación na páxina web de CCOO Servizos de Galicia.

O colexio electoral verificará que todas a/s candidatura/s presentada/s cumpran os seguintes requisitos, en aplicación da normativa confederal e federal:

- Que se presenten completas, debendo incluírse tantas persoas candidatas coma membros se vaian elixir, integrando soamente persoas afiliadas ao corrente de pagamento e incluídas no censo definitivo da Asemblea.
- Que se presenten acompañadas de escrito de aceptación dos seus membros, asinadas e xuntando fotocopia do DNI/NIE.
- Que cumpran os criterios confederais e federais de proporcionalidade de xénero.

As candidaturas presentaranse no modelo que se publicará na páxina web de CCOO Servizos de Galicia (xúntase ao presente regulamento).

Se as candidaturas contiveren algún defecto ou erro emendable, informarase deles o seu presentador ou presentadora e outorgaráselle un prazo improrrogable de 24 horas, tras o cal o colexio electoral resolverá sobre a súa proclamación definitiva ou non. A proclamación definitiva das candidaturas poderá recorrerse ante a Comisión Delegada dentro dos dous días seguintes á súa publicación.

b) Actas

Das asembleas provinciais levantarase acta, que deberá remitirse ás secretarías da Sección Sindical de Banco de Santander e da Federación de Servizos de CCOO de Galicia, por correo electrónico, antes do **20 de novembro de 2021 ás 12:00 h.**

5. PLENARIO DE GALICIA

— Orde do día do Plenario

O desenvolvemento do Plenario, que terá lugar no **Salón de Actos do Edificio de Sindicatos da Coruña** (avda. de Alfonso Molina, Km 2, 15008 - A Coruña) e comezará ás 10:00 h, axustarase á seguinte orde do día, que deberá ser votada logo da constitución da mesa:

- ✓ Elección da Mesa do Plenario
- ✓ Constitución da comisión técnica e de candidaturas
- ✓ Debate e votación das emendas presentadas e que obtivesen, polo menos, o 10 % de votos nas asembleas provinciais ao documento/relatorio do Plenario estatal
- ✓ Elección da delegación de Galicia ao Plenario estatal: **7 membros**
- ✓ Elección dos órganos de dirección da Sección Sindical Territorial.
- ✓ As resolucións do Plenario que puideren presentarse

— Mesa do Plenario

Estará composta por tres persoas, dúas por cada unha das delegacións de maior afiliación e unha designada pola Secretaría de Organización da Federación de Servizos de Galicia.

A Mesa elixirá entre os seus membros a Presidencia, que dirixirá os debates do Plenario garantindo o cumprimento da orde do día, e unha secretaria ou secretario que tomará nota de canto suceda no Plenario.

Conxuntamente, levantarán acta do Plenario que conterá, amais dos datos das persoas que interviñeron nel, desagregados por xénero, o resultado das votacións, os nomes das persoas elixidas, así como as reclamacións ou incidencias relevantes que puidesen producirse.

As actas deben ser asinadas en todas as súas follas. Unha copia desta acta enviarase decontado á Secretaría de Organización federal.

Son funcións da Mesa: abrir o Plenario, moderar os debates, recibir todo tipo de documentos que lle sexan presentados, establecer os horarios para a entrega de candidaturas procedendo á súa comunicación ao Plenario, recibir as candidaturas que se presenten, establecer os tempos para as distintas intervencións, someter ao Plenario as propostas a votación, vixiar o cumprimento das Normas e interpretarlas en caso de dúbidas ou incorreccións.

A Mesa constitúe a dirección sindical ata o momento en que o Plenario elixa os novos órganos de dirección, sendo a Presidencia do Plenario a súa portavoz.

As súas decisións tomaranse por maioría simple dos seus membros.

— Comisión Técnica

Designada pola Secretaría de Organización da Federación de Servizos de Galicia, os seus membros non poderán ser candidatos ou candidatas, nin delegados ou delegadas do Plenario. Encargarase de certificar a identidade dos afiliados e afiliadas asistentes e acreditarlos, incorporando á Acta do Plenario a súa relación nominal, desagregados por xénero, así como verificar o cumprimento dos requisitos estatutarios das candidaturas que se presenten.

— Comisión de Resolucións

A Mesa asumirá as funcións de Comisión de Resolucións.

Calquera afiliado ou afiliada ao Plenario poderá presentar unha resolución, se vén avalada polo 20 % das persoas acreditadas.

— Comisión de Candidaturas

Composta por tres persoas, unha por cada unha das delegacións de maior afiliación. Esta comisión propoñerá ao Plenario o número de persoas que se deben elixir, se procede, para os órganos de dirección da sección sindical territorial, cos límites que se determinen desde as normas do Plenario ou documento organizativo. Nomeará portavoz/ces para a súa presentación perante o Plenario.

Igualmente, e no caso de se presentaren diferentes candidaturas, traballará na dirección de propoñer candidaturas únicas, de conformidade co artigo 11 dos Estatutos Confederais.

Levantará a acta para entregala á Presidencia do Plenario cando lle sexa requirida.

As candidaturas, tanto á Secretaría Xeral como á Executiva ou responsable, deberán presentarse completas e avaladas por, ao menos, o 10 % das afiliados e afiliadas acreditadas no Plenario.

Cada delegado ou delegada non poderá avalar máis dunha candidatura.

6. PROCEDIMIENTO DE RECLAMACIÓNS

A Comisión Delegada designada nas Normas estatais será a encargada de atender as reclamacións sobre calquera dos actos realizados no desenvolvemento do proceso. As reclamacións deberán presentarse mediante un envío ao correo electrónico secretaria.organizacion@servicios.ccoo.es, dentro do prazo de dous días contados a partir da data do feito concreto contra o que se reclame. As reclamacións serán resoltas en primeira e única instancia no prazo de tres días desde a súa recepción.

Aquelas reclamacións que sexan desestimadas, e que se entendan violación dos principios de democracia interna recoñecidos polos Estatutos federais ou confederais, poderán recorrerse ante a Comisión de Garantías federal no prazo de dous días desde a resolución da Comisión Delegada ou desde a superación do prazo máximo de resolución das reclamacións.

Para os efectos de computar os prazos, todos os días se consideran hábiles agás os domingos e festivos.

Anexo 1. Distribución de delegados/as ao Plenario de CCOO de Banco de Santander en Galicia

Provincia	Afiliados/as	% afiliación x territorio	Plenario
A Coruña	264	39,11%	5
Lugo	95	14,07%	2
Ourense	67	9,93%	1
Pontevedra	249	36,88%	5
Total	675	100%	13

Anexo 2. Calendario de celebración de Asembleas Provinciais previas ao Plenario Territorial de Galicia

	Data	Lugar	Hora
A Coruña	06/10/2021	Avenida de Alfonso Molina, Km 2, Edificio Sindicatos, 4.ª planta A Coruña	17:00 a 19:00
Lugo	6/10/2021	Rolda da Muralla, n.º 58, Edificio Sindicatos, baixo Lugo	17:00 a 19:00
Ourense	06/10/2021	Parque de San Lázaro, 12, Edificio Sindicatos, 3.ª Planta Ourense	17:00 a 19:00
Pontevedra	06/10/2021	As Teixugueiras, n.º 11, entresollado (Polígono de Navia) Vigo	17:00 a 19:00

PLENARIO EXTRAORDINARIO DA SECCIÓN SINDICAL DE CCOO EN BANCO DE SANTANDER DE GALICIA
ASEMBLEA PROVINCIAL Á QUE SE PRESENTA: _____

N.º de ordeº	Nome	Apelido 1.º	Apelido 2.º	Antigüidade	Sexo	Sinatura e aceptación

Presentada por: Nome e Apelidos DNI: _____ Data: _____ Lugar: _____

Domicilio para os efectos de comunicación, telf. e correo-e. _____

*Acompañar fotocopia do documento de identificación de cada candidato/a

*As comunicacións relacionadas con esta candidatura faranse á súa presentadora-